

"Ұжымдық қауіпсіздік туралы шарт ұйымы шеңберінде құпия ақпараттардың сақталуын өзара қамтамасыз ету туралы келісімді бекіту туралы" Қазақстан Республикасы Заңының жобасы туралы

Қазақстан Республикасы Үкіметінің 2005 жылғы 8 сәуірдегі N 317 Қаулысы

Қазақстан Республикасының Үкіметі **ҚАУЛЫ ЕТЕДІ:**

"Ұжымдық қауіпсіздік туралы шарт ұйымы шеңберінде құпия ақпараттардың сақталуын өзара қамтамасыз ету туралы келісімді бекіту туралы" Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

Қазақстан Республикасының

Премьер-Министрі

**ҚАЗАҚСТАН РЕСПУБЛИКАСЫНЫҢ
ЗАҢЫ Ұжымдық қауіпсіздік туралы шарт ұйымы шеңберінде
құпия ақпараттардың сақталуын өзара қамтамасыз ету
туралы келісімді бекіту туралы**

2004 жылғы 18 маусымда Астанада жасалған Ұжымдық қауіпсіздік туралы шарт ұйымы шеңберінде құпия ақпараттардың сақталуын өзара қамтамасыз ету туралы келісім бекітілсін.

Қазақстан Республикасының

Президенті

**ҰЖЫМДЫҚ ҚАУІПСІЗДІК ТУРАЛЫ ШАРТ ҰЙЫМЫ
ШЕҢБЕРІНДЕ ҚҰПИЯ АҚПАРАТТАРДЫҢ САҚТАЛУЫН
ӨЗАРА ҚАМТАМАСЫЗ ЕТУ ТУРАЛЫ
КЕЛІСІМ**

Бұдан әрі Тараптар деп аталатын Ұжымдық қауіпсіздік туралы шарт Ұйымына
м ү ш е м е м л е к е т т е р ,

1992 жылғы 15 мамырдағы Ұжымдық қауіпсіздік шартының қағидалары мен ережелерін және оның дамуына қатысты қабылданған құжаттарды басшылыққа ала
о т ы р ы п ,

Ұжымдық қауіпсіздік туралы шарт Ұйымы шеңберіндегі жүзеге асырылып жатқан сыртқы саясат, экономикалық, ғылыми-техникалық, әскери, әскери-техникалық барлау, қарсы барлау, жедел іздестіру және өзге де іс-қимылдар саласында құпия

ақпараттардың сақталуын өзара қамтамасыз ету қажеттілігіне байланысты
төмендегі туралы келісті:

1-бап

Осы Келісім мақсаты үшін аталған терминдер мыналарды білдіреді:

"құпия ақпарат" - Тараптардың нормативтік құқықтық актілеріне сәйкес қорғалатын, әрбір Тарапқа және осы Келісімде заңнамамен белгілеген тәртіпте берілген (алынған) кез келген нысанда берілген, сондай-ақ Тараптардың ынтымақтастығы процесінде сыртқы саясат, әскери, әскери-техникалық, экономикалық, ғылыми-техникалық, барлау, қарсы барлау, жедел іздестіру және өзге де іс-қимылдар саласында пайда болған, оларды заңсыз тарату Тараптардың қауіпсіздігі мен мүдделеріне залал келтіруі мүмкін мәліметтер;

"құпия ақпаратты тасушылар" - құпия ақпарат нышандар, үлгілер, белгілер, техникалық шешімдер мен процестер түрінде өз көрінісін табатын материалдық объектілер, оның ішінде физикалық өрістер;

"уәкілетті органдар" - Тараптардың ынтымақтастығы процесінде берілетін және/немесе пайда болған құпия ақпаратты алуға, беруге, сақтауға, пайдалануға және қорғауға уәкілетті мемлекеттік органдары мен заңды тұлғалары;

"құзыретті органдар" - осы Келісімді іске асыруға жауапты Тараптардың органдары мен Ұжымдық қауіпсіздік туралы Ұйымдары;

"құпиялылық белгісі" - тасушыларда және (немесе) оған ілеспе құжаттамада көрсетілетін, құпия ақпаратты тасушыларда қамтылған мәліметтердің құпиялылық дәрежесі туралы куәландыратын деректемелер;

"құпия ақпараттарға рұқсат беру" - құпия ақпараттарға ену және/немесе жеке адамдардың ену, ал уәкілетті органдардың осындай ақпаратты пайдалана отырып, жұмыстар жүргізу құқығын ресімдеу рәсімі;

"құпия ақпараттарға ену" - құпия ақпараттарға енуге рұқсаты бар жеке адамды құпия ақпараттармен таныстырудың санкцияланған үдерісі;

"құпиялылық режимі" - осы Келісімнің Тараптар мемлекеттерінде белгіленген талаптар, нормалар мен ережелер, сондай-ақ құпия ақпараттарға енуді реттейтін (санкция берілмегендерді қоспайтын) шараларды қолдану тәртібінің жиынтығы;

"құпия ақпараттарды санкциясыз тарату" - құпия ақпараттарды жария ету немесе осындай ақпараттарды таратудың белгіленген тәртібін (ережесін) бұзу салдарынан оған рұқсаты жоқ адамдарға белгілі болуы;

"құпия жұмыстар" - құпия ақпараттарды пайдалануға байланысты жұмыстар, соның ішінде оқыту.

2-бап

Тараптар құпия ақпараттарды қорғау жөніндегі өзінің нормативтік құқықтық актілеріне, осы Келісімге қоса берілген және оның ажырамас бөлігі және Тараптардың екі жақтық келісімі болып табылатын ҰҚШҰ шеңберіндегі құпия ақпараттардың сақталуын өзара қамтамасыз ету туралы Келісімнің қатысушы мемлекеттері арасындағы сыртқы саясат, экономикалық, ғылыми-техникалық, әскери, әскери техникалық барлау, қарсы барлау, жедел іздестіру және өзге де ынтымақтастығын жүзеге асыру барысындағы құпиялылық тәртібін қамтамасыз ету Тәртібі талаптарына (әрі қарай - Тәртіп) сәйкес уәкілетті органдардың құпиялылық режимді қамтамасыз ету және құпия ақпараттарды сақтау жөніндегі барлық қажетті шараларды қолданады.

3-бап

Тараптардың әрқайсысының нормативтік құқықтық актілері негізінде Тараптар құпиялылық дәрежелері және оларға сәйкес құпиялылық белгілері мынадай үлгіде салыстырылатынын белгілейді:

Армения Республикасы	Беларусь Республикасы	Қазақстан Республикасы	Қырғыз Республикасы	Ресей Федерациясы	Тәжікстан Республикасы	Ұжымдық қауіпсіздік туралы шарт Ұйымы
Өте маңызды	Өте маңызды	Өте маңызды	Өте маңызды	Өте маңызды	Өте маңызды	Өте маңызды
Өте құпия	Өте құпия	Өте құпия	Өте құпия	Өте құпия	Өте құпия	Өте құпия
Құпия	Құпия	Құпия	Құпия	Құпия	Құпия	Құпия

4-бап

Осы Келісімді жүзеге асыру үшін жауапты құзыретті органдар:

- Армения Республикасында - Армения Республикасы Үкіметінің жанындағы Ұлттық қауіпсіздік қызметі;
- Беларусь Республикасында - Беларусь Республикасының Мемлекеттік қауіпсіздік комитеті;
- Қазақстан Республикасында - Қазақстан Республикасының Ұлттық қауіпсіздік комитеті;
- Қырғыз Республикасында - Қырғыз Республикасының Ұлттық қауіпсіздік қызметі;
- Ресей Федерациясында - Ресей Федерациясының Федералдық қауіпсіздік қызметі;
- Тәжікстан Республикасында - Тәжікстан Республикасы Үкіметінің жанындағы

мемлекеттік құпияларды қорғау жөніндегі Бас басқармасы;
- Ұжымдық қауіпсіздік туралы шарт Ұйымында - Ұжымдық қауіпсіздік туралы шарт Ұйымының Хатшылығы.

5-бап

Өз нормативтік құқықтық актілеріне сәйкес Тараптар: ынтымақтастықты жүзеге асыру кезінде алынған және (немесе) пайда болған құпия ақпараттарға қатысты осындай құпиялылық дәрежедегі (осы Келісімнің 3-бабына сәйкес салыстырылатын) өзінің құпия ақпаратқа қатысты қолданылатын сондай қорғау шараларын қолдануға;

басқа Тараптың уәкілетті органынан алынған құпия ақпаратты тек қана оны беру кезінде көзделген мақсаттарда пайдалануға;

құпия ақпаратты берген Тараптың алдын ала жазбаша келісімсіз оған үшінші тараптың енуіне рұқсат бермеуге міндеттенеді.

Құпия ақпаратқа ену оны беру кезінде көзделген мақсаттарда құпия ақпарат қызметтік міндеттерін орындау үшін қажетті және ұлттық заңнамаға сәйкес ресімделген тек қана құпия ақпаратқа тиісті рұқсаты бар адамдарға беріледі.

Беруші Тарап қажет болған жағдайда құпия ақпаратты қорғау жөніндегі қосымша талаптарды (құпия ақпаратпен жұмыс істеу жөніндегі міндеттемелер және оны қорғау жөніндегі шаралар толығымен жазылған) ескертуі мүмкін.

Ұжымдық қауіпсіздік туралы шарт Ұйымының Хатшылығында құпия ақпараттармен жұмыс істеу және құпиялылықты қамтамасыз етуге бақылауды жүзеге асыру тәртібі бөлек Нұсқаумен белгіленеді.

6-бап

Құпия ақпаратты беру туралы шешімді Тараптардың нормативтік құқықтық актілеріне сәйкес әрбір жеке жағдайда осындай ақпаратты беруші қабылдайды.

Беру тәсілі берілетін құпия ақпараттың санкциясыз таралуынан қорғауды қамтамасыз етуі тиіс.

Құпия ақпаратты Тараптар арасында дипломатиялық арналар, фельдъегерлік қызмет немесе өзге де уәкілетті қызмет бойынша беру Тараптар арасындағы қолданыстағы келісімдерге сәйкес жүзеге асырылады.

Құпия ақпарат берілген Тараптың уәкілетті органы оны алғандығын растайды.

Ауқымды көлемдегі (салмақтағы, габариттегі т.б.) құпия ақпарат тасушыларды беру үшін Тараптардың уәкілетті органдары әр жекелеген жағдайда тасымалдау тәсілдерін, алып жүру бағыты мен нысанын белгілейді.

Бір Тараптың уәкілетті органдары өкілдерінің басқа Тарап мемлекетінің құпия ақпаратына енуін көздейтін сапарлары қабылдаушы Тараптың құзыретті органдарының

келісімі бойынша жүзеге асырылады. Сапар алдында Тараптардың құзыретті органдары сапар кезінде берілетін ақпараттардың құпиялылық дәрежесі туралы бірін-бірі хабардар етеді.

7-бап

Берілетін құпия ақпараттың құпиялылық дәрежесін және оны тасушыларды құпия ақпараттарды жасаған уәкілетті орган анықтайды.

Уәкілетті орган берген құпия ақпараттарды тасушыларға, оны алуға жауаптыларға, осы Келісімнің 3-бабына сәйкес салыстырылып, құпиялылық белгілері қосымша қ о й ы л а д ы .

Құпиялылық белгілерін қою міндеттілігі аударма, көшірме жасау немесе таралымын көбейту нәтижесінде пайда болған құпия ақпараттарды тасушыларға да қ а т ы с т ы .

Берілген құпия ақпараттар негізінде пайда болған құпия ақпараттарға берілген құпия ақпараттардың құпиялылық дәрежесінен төмен емес құпиялылық дәрежесі б е л г і л е н е д і .

Құпия ақпараттар мемлекеттер - Тараптарда өз құпия ақпараттарына қатысты қолданылып жүрген талаптарға сай есепке алынады және сақталады.

Уәкілетті органның алынған құпия ақпараттардың құпиялылық дәрежесін оны берген Тараптың тиісті уәкілетті органдарының жазбаша рұқсаты бойынша ғана өзгертуі немесе алып тастауы мүмкін.

Тараптардың ынтымақтастық барысында пайда болған құпия ақпараттардың дәрежесі Тараптардың уәкілетті органдарының өзара келісімі бойынша анықталады, өзгертіледі немесе алынып тасталады.

Құпия ақпараттың құпиялылық дәрежесінің өзгергені немесе алынып тасталғаны туралы оны берген Тараптың уәкілетті органы басқа Тараптың тиісті уәкілетті органын х а б а р д а р е т е д і .

Құпия ақпаратты тасушылар оларды берген Тараптың уәкілетті органының жазбаша рұқсаты бойынша қайтарылады немесе жойылады.

Құпия ақпаратты тасушыларды жою құжатталады, ал жою барысы оны қайта шығару және (немесе) қайта орнына келтіру мүмкіндігін болдырмауға кепіл беруі тиіс.

Құпия ақпаратты тасушылардың қайтарылуы немесе жойылуы туралы оны берген Тараптың уәкілетті органы жазбаша түрде хабардар етіледі.

8-бап

Құзыретті органдар осы Келісімді іске асыру үшін қажетті көлемде өз мемлекеттерінің құпия ақпараттарды қорғау саласындағы тиісті нормативтік құқықтық а к т і л е р і м е н а л м а с а д ы .

Ынтымақтастықты қамтамасыз ету мақсатында құзыретті органдар осы Келісімді іске асыру кезінде олардың біреуінің сұрауы бойынша бірлескен консультациялар өткізеді.

9-бап

Тараптар осы Келісімді іске асыру барысында туындайтын барлық шығындарды өздері өтейді.

10-бап

Құпия ақпараттарды рұқсатсыз жариялау кезінде Тараптар рұқсатсыз жариялау жағдайларын ескере отырып, ұлттық заңнамаларды қолданады.

Құпия ақпаратты рұқсатсыз жариялау фактілері анықталған жағдайда Тараптардың құзыретті органдары консультациялар өткізеді, қарайтын Тараптардың нормативтік құқықтық актілеріне сәйкес жүзеге асырады, оның нәтижелері туралы бір-бірін х а б а р д а р е т е д і .

Құпия ақпараттарды рұқсатсыз жариялау салдарынан тиген залалдың көлемі мен оны қалпына келтіру тәртібі Тараптардың нормативтік құқықтық актілеріне, олардың арасында жасалған халықаралық шарттарға сәйкес, сонымен қатар Тараптар арасындағы консультациялар барысында анықталады.

11-бап

Құпия ақпараттардың сақталуын қамтамасыз ету режимін реттейтін Тараптар арасындағы қазіргі екі жақты және жанжақты келісімдер осы Келісімге қарама-қайшы келмейтін бөлімінде қолданыла береді.

Осы Келісім Тараптардың осы Келісімнің маңызы болып табылатын және оның мақсаттарына қайшылық келтірмейтін мәселелер бойынша өзге де халықаралық шарттар жасау құқықтарын шектемейді, сондай-ақ олар қатысушысы болып табылатын өзге де халықаралық келісімдерден туындайтын Тараптардың құқықтары мен міндеттерін қозғамайды.

12-бап

Осы Келісімді талқылау немесе қолдануға байланысты даулы мәселелер мүдделі Тараптардың құзыретті органдарының консультациялары мен келіссөз жүргізу ж о л д а р ы м е н ш е ш і л е д і .

Осындай консультациялар мен келіссөз жүргізу кезінде Тараптар осы Келісімнің ережелеріне сәйкес өз міндеттерін орындауды жалғастырады.

13-бап

Осы Келісімге Тараптардың келісімі бойынша жекелеген хаттамалармен ресімделген осы Келісімнің ажырамас бөлігі болып табылатын өзгерістер мен толықтырулар енгізуге болады және осы Келісімнің 14-бабына сәйкес күшіне енеді.

14-бап

Осы Келісім күшіне ену үшін қажетті мемлекетішілік рәсімдерді Тараптардың орындауы туралы жазбаша төртінші хабарламаны салымшының алған күнінен бастап осы Келісім күшіне енеді және Ұжымдық қауіпсіздік туралы шарттың қолдану мерзімі і ш і н д е к ү ш і н д е қ а л а д ы .

Қажетті мемлекетішілік рәсімдерді кешірек орындаған Тараптар үшін осы Келісім салымшыға тиісті жазбаша хабарламаны тапсырған күнінен бастап күшіне енеді.

15-бап

Әр Тарап шығу күніне дейін 6 айдан кешіктірмей салымшыға жазбаша хабарлама жолдай және Келісімді қолдану кезінде туындаған міндеттемелерді реттей отырып, осы Келісімнен шығуға құқылы.

16-бап

Осы Келісімнің қолданысы тоқтаған не болмаса одан Тараптардың біреуі шыққан жағдайда Тараптар арасындағы ынтымақтастық барысында алынған және/немесе туындаған құпия ақпараттарға қатысты осы Келісімнің 5, 7, 10 баптарында қарастырылған шаралар осы ақпараттардан белгіленген тәртіпте құпиялық белгісі алынып тасталғанша күшін жоғалтпайды.

17-бап

Ұжымдық қауіпсіздік туралы шарт Ұйымының Бас хатшысы Тараптарды осы Келісімнің (оған қосымша хаттамалардың) күшіне енуі туралы, сонымен қатар қажетті мемлекетішілік рәсімдерді анағұрлым кешірек мерзімде орындаған Тараптар үшін оның күшіне енуі туралы, сондай-ақ Келісімнен Тараптардың шығуы туралы және оның қолданысының тоқтатылуы туралы хабардар етеді.

2004 жылғы 18 маусымда Астана қаласында, орыс тілінде бір түпнұсқада жасалды. Осы Келісімнің түпнұсқасы Ұжымдық қауіпсіздік туралы шарт Ұйымының Хатшылығында сақталады және осы Келісімге қол қойған әр мемлекеттерге оның куәландырылған көшірмесі жіберіледі.

Армения Республикасы үшін *Қырғызстан Республикасы үшін*

<i>Беларусь Республикасы үшін</i>	<i>Ресей Федерациясы үшін</i>
<i>Қазақстан Республикасы үшін</i>	<i>Тәжікстан Республикасы үшін</i>
2004 жылғы	18 маусымдағы
Ұжымдық қауіпсіздік	туралы шарт Ұйымы
шеңберінде құпия	ақпараттардың сақталуын
өзара қамтамасыз	ету туралы келісімге

ҚОСЫМША

ҰҚШҰ ШЕҢБЕРІНДЕ ҚҰПИЯ АҚПАРАТТАРДЫҢ САҚТАЛУЫН ӨЗАРА ҚАМТАМАСЫЗ ЕТУ ТУРАЛЫ КЕЛІСІМГЕ ҚАТЫСУШЫ МЕМЛЕКЕТТЕРДІҢ АРАСЫНДА СЫРТҚЫ САЯСАТ, ЭКОНОМИКАЛЫҚ, ҒЫЛЫМИ-ТЕХНИКАЛЫҚ, ӘСКЕРИ, ӘСКЕРИ-ТЕХНИКАЛЫҚ, БАРЛАУ, ҚАРСЫ БАРЛАУ, ЖЕДЕЛ-ІЗДЕСТІРУ ЖӘНЕ ӨЗГЕ ДЕ ЫНТЫМАҚТАСТЫҚТЫ ЖҮЗЕГЕ АСЫРУ БАРЫСЫНДА ҚҰПИЯЛЫЛЫҚ РЕЖИМІН ҚАМТАМАСЫЗ ЕТУ ТӘРТІБІ

Ұжымдық қауіпсіздік туралы шарт Ұйымы шеңберінде құпия ақпараттардың сақталуын өзара қамтамасыз ету туралы келісімге (одан әрі - Келісім) қатысушы мемлекеттердің арасында сыртқы саясат, экономикалық, ғылыми-техникалық, әскери, әскери-техникалық, барлау, қарсы барлау, жедел-ізвестіру және өзге де ынтымақтастықты жүзеге асыру барысында құпиялылық режимін қамтамасыз ету мақсатында Тараптар келесі Тәртіпті басшылыққа алады:

1. Құпия ақпараттармен құпиялық жұмыстарға, оның ішінде оқыту үдерісі барысында олардың мемлекеттерінде қолданылып жүрген нормативтік құқықтық актілеріне сәйкес құпия ақпараттармен жұмыс істеуге рұқсат етілген адамдар тартылады. Бұл ретте Тараптардың уәкілетті органдары осындай жұмыстарға адамдардың ең аз қажетті санының енуіне рұқсат беруді жүзеге асырады.

2. Құпия жұмыстар бойынша ынтымақтастықты жүзеге асыратын Тараптардың уәкілетті органдары басқа Тараптың уәкілетті органдарында адамдардың құпия ақпараттарға тікелей ену үшін жұмысқа тартылатын адамдардың тегін, есімдерін, оларды жіберетін ведомство атауын және осы жұмысты өткізу қандай құжатпен қарастырылғаны туралы жазбаша түрде алдын ала хабарлайды.

3. Басқа мемлекетте құпия ақпараттармен жұмыс істеу үшін (сонымен қатар оқыту үдерісінде) тартылатын адамдар барған мемлекетте қолданылып жүрген құпия ақпараттарды қорғау жөніндегі нормативтік құқықтық актілер талаптарын сақтауы тиіс

Осы талапты ескере отырып, ынтымақтастықты жүзеге асыратын уәкілетті органдар басқа мемлекетке жіберілетін адамдарды барған мемлекетте белгіленген құпия ақпараттармен жұмыс істеу ережелерін бұзуға жол бермеуді міндеттейді.

4. Тараптар ынтымақтастыққа тартылатын өз уәкілетті органдарын:

басқа мемлекет адамдарын олардың орындайтын жұмысы немесе оқу бағдарламасы шеңберінде құпия ақпараттармен таныстыруды, бірлескен жұмыстарды (оқуды) жүргізу барысында құпия ақпараттарды қорғауды қамтамасыз ету мәселелері бойынша барған мемлекетте және осы мекемеде немесе кәсіпорында қолданылып жүрген негізгі талаптар жөнінде нұсқама өткізуді;

басқа мемлекет адамдарына құпия ақпараттар бар жазуларды жүргізу үшін арнайы қойын дәптерлер мен жұмыс дәптерлерді, сондай-ақ құжаттарға арналған арнайы портфелдерді (папкаларды) қолхат арқылы беруді;

басқа мемлекетте жұмыстарды орындау немесе оқу барысында адамдар қолданатын құпия ақпараттар мен олардың тасушыларын сақтауды қамтамасыз етуді міндеттейді.

5. Құпия ақпараттарды талқыланатын (жеткізілетін) және (немесе) құпия ақпарат тасушылар қолданылатын мәжілістер, отырыстар, оқу сабақтары мен жаттығулар жүргізу барысында құпиялылық режимін қамтамасыз ету құпия ақпараттарды қорғау жөніндегі тиісті нормативтік құқықтық актілерімен осы уәкілетті органда (оқу орнында) белгіленген тәртіпте осы мәжілістер, отырыстар, оқу сабақтары мен жаттығулар жүргізілетін уәкілетті органдар (оқу орны) жүзеге асырады. Бұл ретте аталған іс-шараға қарастырылып отырған мәселелерге тікелей қатысы бар адамдар ғана шақырылады.

6. Бір мемлекеттен екінші мемлекетке шығу кезінде Тараптардың өзара келісімі бойынша тасымалдау және жұмыстарды орындау үшін жіберілетін мемлекеттің азаматы болып табылатын мемлекеттің фельдъегерлік (арнайы, дипкурьерлік) қызметінің ережесіне сәйкес рәсімделген тасымалдау жағдайынан басқа адамдарға өзімен құпия ақпараттар тасушысын тасымалдауға болмайды. Осындай құпия ақпараттар тасушыларын дер кезінде жұмыстар орындалатын уәкілетті органдар мекен-жайына жіберіледі.

7. Басқа Тараптың уәкілетті органдарынан алынған түпнұсқа, сондай-ақ ұлттық тілге аударылған, құпия ақпараты бар құжаттардың көбейтілуі, олардан көшірмелер түсіру және үзінділер (көшірмелер) жазу ең аз қажетті данада жүзеге асырылуы тиіс. Құжаттардың түпнұсқасында қанша көшірме жасалғаны және кімге жіберілгені туралы міндетті түрде белгі қойылады. Осы құжаттардың тіркелуі, таратылуы және сақталуы құжаттардың көбейтілуі жүргізілген Тараптың құпия ақпараттарды қорғауды қамтамасыз ету жөніндегі ішкі нормативтік құқықтық актілеріне сәйкес жүзеге асырылады.

8. Құпия ақпараттарды басылымда жариялау, радио және теледидарда пайдалану, басқа да әдістермен халыққа жариялау оны белгіленген тәртіпте құпиясыздандырудан кейін ғана жүргізіледі.

Тараптар ынтымақтастығы үдерісінде пайда болған құпия ақпараттардан құпиялылық белгісін алып тастау тек қана Тараптардың уәкілетті органдары арасындағы құжаттамалық бекітілген келісім бойынша жүргізілуі мүмкін. Алынған құпия ақпараттардан құпиялылық белгісін алып тастау тек оны беруші Тараптың тиісті уәкілетті органының жазбаша рұқсаты бойынша жүргізілуі мүмкін.

9. Құпия ақпараттарды рұқсатсыз таратылғаны, құпия ақпараттар тасушыларын жоғалтқаны үшін кінәлі адамдар Тараптардың нормативтік құқықтық актілеріне сәйкес жауапкершілікке тартылады. Құпия ақпараттарды рұқсатсыз таратылу, құпия ақпарат тасушыларды жоғалту фактілері болған Тараптың уәкілетті органы бұл туралы басқа Тараптардың тиісті уәкілетті және құзыретті органдарын тез арада хабардар етіп, рұқсатсыз таратылу және жоғалту салдарын оқшаулау бойынша тиісті шаралар қ а б ы л д а у ы т и і с .

10. Ынтымақтастық үдерісіндегі құпиялылық режимін қамтамасыз ету үшін бақылауды әр Тарап өзінің нормативтік құқықтық актілеріне және Келісім ережелеріне сәйкес жүзеге асырады.